

退

菴

詩

存

退菴詩存卷十五

福州梁章鉅葭林

新春赴徒陽運河勘工夜出許墅關作

燈繁花重月當頭
簫鼓聲中幾酒樓
誰識當官轉清絕
聽風聽水信扁舟

承流我愧畫壺盧
耳畔如聞澤哲呼
每際臘正勤畚鍤

臘正

之際語出
張遜碑

何緣忘却曲阿湖

練湖古名
曲阿後湖

稷稻連艘莫溯洄
麥疇欲坼未抽芽
推篷幾度瞻雲物
安得春帆帶雨來

退菴詩存卷十五

看山尋寺不妨公語本前賢我所宗兀坐官艙已神往松
寥閣對妙高峯

雨中望惠山不得上

青山如故人分合不可測夜夢猶攀躋起忽乖隔濛濛
一片雨中有蒼翠滴天然潑墨畫前遊所未歷低昂一蓬
窓神光在離卽遙參景愈佳靜領意轉適如聞百重泉琤
琤迸石壁想見方沼底益增澹澗色竹爐我會摸畫卷亦
陳迹愛山不係此何妨曠良覲漕渠急添波農畝殷望澤
呼觴自慰勞歸舟補登陟

丁卯橋

詩人別墅香難尋，賸有橋名閱古今。我到翻思丁卯埭，當

年何似大江深。

圖經載晉元帝子衷鎮廣陵運糧出京口，爲水涸奏請立埭，以丁卯日制，可後人構。

橋因名唐許渾築別墅其側

同趙雨樓太守

光祿

吳晴椒邑侯

浚

拏舟游金山用

坡公韻

我初外宦江上游，直滂荆襄達淮海。江南江北屢經過，中流安得觀自在。琳宮貝宇如普陀，此江近海原通波。靈山奇絕壓南海，更閱今古浮雲多。茲行何幸復弭楫，彈指卅

年如昨日

嘉慶戊午到此
距今三十二年

相隨等是未閒人

詠金山始於
李翱有我來

登眺處能得
幾間人之句

默對山靈面先赤江天一覽蕩心魄郭墓蒼

涼裴洞黑仙乎佛乎理難明古事往往今人驚我欲空諸

善知識山色江聲定何物江山雖好非故山須借坡詩砭

我頑城市醺醺何日已

用張祐
詩語

滌腸先取中冷水

楞伽臺觀坡公玉帶

不見印公衲但留坡老帶一時阿禪機千古作佳話坡印

不可返而此愿未壞終緣坡印故山門闕人代來者想威

儀往者脫星礙焉得望青翊傳神風水外

崔子忠有留帶
圖今入石渠

寶
菱鈍根我真忝病骨有同嘅著手心怛然朗吟敲鐘唄

自金山放船至焦山用坡公韻

山川之美吾所耽稱心平遠惟江南仙都縹緲關生面真
見海上神山三金山妙麗北固壯焦山遠望如眠蠶人言
此山更幽勝我聞三詔心先慙寺包之山已了了山包之
寺何潭潭客帆兩度不得泊今朝放櫂風力酣老僧落落
不世態可當海客瀛洲談蟲書急尋南仲鼎鶴銘難問華
陽龕松寥閣中甌乳活入口似比中泠甘飽嘗世味愛淡
寂一杯也覺分廉貪山林枯槁非所尙急流勇退吾其堪

宦遊到處戀清景何如還我藤花菴

焦山雜詩

焦山山裡寺入寺卽穿山人語通三界潮聲到百蠻蔚然
足雲物迴不接塵寰元默冲飛後伊誰更閉關

舊識華陽躋鋒稜著手生蕩波仍鶴守出水與龍爭康熙中長

沙陳恪勤公挽石大字無過此黃山谷詩大字仙蹤不可

名纍纍等人世還以問丁令

古鼎知何代增余眼福奇幸逃文水錄焦山古鼎會入分宜嚴氏而不載天

水冰山獨著阮亭詩氣肅魚龍護芒寒魍魎疑名山宜鎮

錄中

護定免壑舟移

松寥本雙拱一閣俯青蒼修竹弄低影老梅吹古香座中
江海氣窻外水雲忙何日安甌研來謀三宿桑

三詔洞拜焦隱君像

無復丹書下九霄尙餘白石煮難銷衡門德被中郎感石
壁仙從太白招廬廢更全雲水性風高欲壓帝王驕逃名
底事名彌著萬古青山總姓焦

焦山訪楊文襄公所留玉帶知己落他處而寺僧語

言沾滯詩以解嘲

石淙故事仿坡翁立地翻成五蘊空我亦此間無坐處箭
機不遇了元公

裴公洞

頭陀何必遜焦公仙佛平分勝地雄誰識開山本家法濟

源儒者有宗風

圖經載開山之裴頭陀爲裴休子休有文送其出家

北固山

地窄天寬縹緲間憑陵巨壘控雄關深留鐵甕春雲重濃
帶金陵夕照殷千古無雙幾英傑五州第一此江山卅年
廿度頻來往甫得登臨豈等閒

甘露寺疊前韻

城北橫岡霄漢間，百盤磴道拱禪關。盪胸吳楚風濤合，歷

劫齊梁棟宇殷。四大坐中無狼石，

舊傳狼石在寺中，今久不見矣。

三賢身

後有名山，

寺左供李文饒蘇長公米海嶽木主額曰三賢堂。

茫茫人代滔滔水，收

入僧窻半日閒。

京口行館以詩別劉竹菴觀察

名載

用坡公大風留

金山韻

無事久留向誰語，耳邊聽唱公無渡。公無渡兮行不得，連日西風掃殘雨。開河事往官吏散，讓我吟懷自飛舞。三山

遊遍入扁舟夜來尙夢風濤怒朝聞瓜州閃旗角舸連舸
連共耶許公自東兮我自西統統急打船頭鼓

雪後登惠山

昨來雨中過山容如潑黛今來雪乍止山骨不在內衙衙
九玉龍一一露項背天公偶遊戲山靈益狡獪昨遊幸我
新巧俾適此會衝寒而不皴帶濕身入畫風憂簷溜清石
礙林花碎春陰徧嚴凝泉意獨看霽游魚如識我寫盡濠
濮態茶爐與畫卷過眼重晤對地無所憩思景值時晴快
五年一再至聊償作詩債

耦庚以澄懷園畫卷寄索題句蓋有玉堂天上之感

因用卷中張文和公元韻答其意

述職今方伯

君於客歲入時屬友人作此卷

觀銜

恩舊侍臣忽因詩境好重付畫圖新冠蓋天街曙壺觴
禁苑春相望百餘載幾輩過來人

廣陌通幽徑如沿繚畫溪近光樓影直委佩砌花低因樹
仙人屋回沙故相隄眼看休沐者吟嘯夕陽西

名園切華蓋內外夾銀灣宿雨添新漲晴光浸好山細鶯
流樹滑文鹿出花斑讀畫翻懷舊驅馳那更閒

元老承

恩日卿華曠代望

天題倬雲漢星采聚巖廊地迴煙霞秀春深草木香九臣
兼八友故事豔槐堂

接跡諸公在前型覺未遙聯吟青瑣闕分占赤闌橋聽雨
頻敲鉢延秋或泛橈流傳酬唱句仙思各飄飄

聞說老梅樹開時香滿空棧流太古雪枝向不周風晨賞
松醪綠夜吟蓮炬紅名蕊有榮遇合補此圖中

十載風塵走春明夢豈無鶯猶思苑柳鳳鸞憺同橋莎岸

風如剪荷塘月似盃七峯清切地我亦抱區區

軍機直廬
名七峯別

墅在澄懷園之西
余會居此三年

水石瞻園勝

金陵藩署
中有瞻園

蓬萊豈謫居三霄看起鵲九段聽

歌魚泥雪思留跡江雲數寄書臣心真戀

闕非是盼榮除

賀潘榕皋先生

奔雋

重宴瓊林卽步自紀原韻

老人躔現歲初更飛動江湖魏闕情廿七科逢簪杏會八
千齡祝大椿榮攬輝共仰高岡鳳攜策重聽上苑鶯一

代星雲關出處史官書瑞紀承平

花橋水閣枕溪斜喬木當門衆綠遮海內科名尊一姓仙人旌節擁三花金釵問字扶風帳玉樹成行太傅家自是真靈關位業豈徒嬰鑠爲公誇

黍附通家子弟行歸然江左見靈光問年已及關中伏論族無過大道王書就鵝羣依渚閒吟成鶴語入雲長養生自有逍遙谷

用潘師正事

紅日常懸海上桑

性情頤養得春和花雨傳衣古達摩大集千秋親手定中天五老拍肩過

本朝重宴瓊林者至先生而五

據言盛事須頻記稽古殊

榮定不磨一品仙衣看撰屨

調芝軒尙書

九天露渥侍臣歌

吳和庭聽秋畫卷

久欲言歸未得歸相逢一笑卸征衣
心期白水盟無負夢繞青山願未違
世態漸驚談虎變生涯豈慕食熊肥
江皋潮落西風大聽到秋聲早息機

扁舟訪我下蘇臺官舍寒花次第開
剪燭果能圓舊約何時

好風吹一方西窓重話巴山
燭余十五年前寄君舊句也

牽絲畢竟屈長才兩家骨肉
悲歡共余新有冢婦之喪卽君長女也
卅載江湖鬢髮催人
事由來多感

觸醉歌屢覆掌中杯

栽徧棠陰浙水潛漢南新柳又絲絲當官不解壺盧問任
事翻生蕙苒疑俯仰一身成束縛賢勞萬里枉驅馳君嘗委運
滇銅祇今撒手懸厓樂魚謝沈鈎馬脫羈

此日春生步履前吳門聽雨亦前緣早知胸有千秋業莫
說家無二頃田客裡光陰足圖畫閒中眷屬卽神仙石湖
煙水銅阬月尙擬晴來一放船

潘功甫區田觀穫畫卷

代田原古法區種更通之食貨叅前志耕芸戒後期收看
三倍足利豈一家資小試已如此懷哉莘野伊區田法本伊尹

烏衣好家世，息影謝飛騰。
仁粟方周里，嘉禾又被滕。
平疇三畝畫，新水一犁增。
財賦東南地，行看緯耒興。

書巖麗生邑侯

廷滄

海雲堂詩鈔後

海內詩壇道不孤，一軍堅壘拔螯弧。
盤胸鬱律千秋在，落手波瀾萬派趨。
名士當官多岸異，少年入蜀好馳驅。
飛書草檄當時事，如聽高吟擊唾壺。

焦公巖接海門遙，記我宣風駐使輶。
如此山川真壯麗，故應人物未蕭條。
霜凋秋綠鷹翻野，雷坼春紅鸞起潮。
自愧平生箏笛耳，鈞天廣樂震咸韶。

長洲韓襄毅公西苑紀遊詩卷

天順復辟之三載詔賜從臣西苑遊僉都韓公預密宴拜
手稽首揚皇休鎬京魚藻合古誼君臣遭際無匹儔感恩
誓以赤心報匪躬蹇蹇陳嘉猷

原詩中語

他年辦猺斷籐峽一

書生領千貔貅勛名直接伏波老應有銅柱留蠻貊功成
乃招奄宦怒猿臂數竒仍不俟流傳片楮述寵賚星辰四
七輝神州

同與宴者二十八人

煌煌禮遇示異數宸心廣大同虞周

原詩中語

如何獻酬雜婦寺足覘恩命中官優嗚乎土木孰禍

始太阿柄已紹璫收公心雖雄身已斥幅巾短履歸長洲

我讀斯文重慨歎空誇勝地如壺邱滄浪亭邊拜祠屋想
公英氣凌高秋

書程序伯茂才

廷鸞

以恬養智齋詩鈔後

三橋篆刻兼圖畫年少多才又見君瑤瑟朱絲更清絕蕩
搖湘水咽湘雲

冰雪煙霞懷抱清詎如東野不平鳴詩中詩外無窮事臺
閣山林孰重輕

題海鹽朱貞女頰迦禮佛畫卷

井水無波河水深六時清楚作潮音西來只有頰迦使不

羨人間共命禽

繡閣緇經度歲華
龍天讚歎玉無瑕
吉祥雲繞蒲團靜
一樹冬青落古花

書謝佩禾青山別墅卷後

烏衣佳子弟
幾葉出江東
別墅仍今日
清談有古風
湖邊雲似埭
巖畔桂成叢
動我臨風思
青山憶謝公

絕好潛居趣
頻年愛遠遊
煙霞辭退谷
風雨度炎洲
苔藉同岑潤
蘿牽小屋幽
幾時歸計遂
長嘯臥林邱

次和庭韻卽以贈別

招邀別酌筍厨前
款款交期話昔年
一幅江南好圖畫
杏花春雨送歸田

宦途元吉重其旋
放手游行如我前
問舍求田知不屑
祇須辦得杖頭錢

仙霞夾路舊松杉
直到困關穩送帆
底事他鄉誇信美
吾鄉隨處好林巖

送潘吾亭假歸省親

春風海上拂旌旗
一詠陔蘭樂有餘
南國棠陰原好在
西湖蕪味定何如
老親排日供甘旨
令弟封書問起居

紅襟方伯

只有虔臺耆舊意來遲久盼使君車

時君量移吉南贛甯道

三吳三載共應官嶽嶽丰裁重豸冠判牘每思蘇疾痛

君曾

權吳

運籌曾與靖波瀾

君在上海道任辦海運及疏浚吳淞事

巷南我欲尋

何妥

余有卜居西湖之想

江左人終望謝安此日歸裝清似水雲山

無際倚蓬看

李蘭卿太守寄示智誠洞碑拓本

萬歲通天未兩年神功已改九月秋無虞縣隸嶺南道史
有澄州無廖州豈宜圖經亦漏畧或藉金石相校讎今之
上林智誠洞古碑剝蝕盤螭蚪思恩太守雅好古手剔金

薤披銀鈞丁酉四月辛卯朔推筴衍算非謬悠刺史縣令

若信仲宰相系表名難誦

碑爲刺史韋敬一製文

檢校員外

合官制玉鈐金谷窮徇搜宗秦客書見者六

日月星天地年字皆新製

當時文字多從周雕鑄質厚異僞造瓊椎不到荒厓陬劉

歐宋輩未入眼地理闕畧書徒修是年登封始神岳是月

九鼎成精鏐牝朝穢德邠屑道盈廷諛頌文章羞此碑屹

然峙蠻服模範山水翻清幽推鋒陷陣闖墻訟

碑中語

史亦

失記天南酋穿窬絕患溝洫利

碑中語

似述美政言非媮來

鉗吉綱正肆酷彼何人哉能仕優并遺姓氏循吏傳幸托

翠墨千秋留諸家集古棄弗錄
俞兒夜泣山靈愁詎知舊
物有顯晦一朝聲價逾琳球
緘題鄭重遠持贈誼取證析
資朋儔惜哉蘇齋久宿草
疑義孰與深研求

錢梅溪

泳

梅花溪畫卷

京國歸來兩鬢蒼
釣竿閒挂尙湖旁
鶴聲夜度青天月
萬樹梅花一草堂

到門溪水綠灣環
溪上鷗鳧盡日閒
書格詩心兩清絕
料量事業有名山

文綺園樵使

祥

觀瀑小照

繡衣使者天上來
旌旗照耀姑胥臺
春和被物盡康阜
官暇流連到琴酒
昨朝示我觀瀑圖
溪磴深窈厓盤紆
天紳山帶迭掩映
長風萬竅吹笙竽
君從何處得此景
鸞鶴翮然雲水性
撫軫如移渤海情
拈豪自寫匡廬勝
我昔攜筇游武彝
水簾之景天下奇
又憶漁梁恣登陟
一條界破洪荒色
殷雷出地飛雨乾
渴虹倒挂晴雲端
聲回虛谷答奇響
影動絕壁生蕭寒
廿年霞抱苦牽戀
人海推移歲華變
豈知天姥夢中吟
重向輞川圖裡見
君才今日須爲霖
尺幅分明證道心
似傳廣樂鈞天奏
別是雲山韶濩音

退菴詩存卷十五

三

題楊忠烈公寄常熟許若水手札後

死生元伯交何厚
來往澹臺宰自賢
碧血已看前史重
素書還向後人傳
奇冤北寺歸忠日
大惠南塘捍患年
聞道吳民猶歲祭
豈徒義憤爲呼天

錢梅溪寫經樓畫卷

賢王

成

邨耆宿

蘇

萃琳璆

都爲人

間重此

樓

庚子拜

經傳翠

墨癸辛結屋擬丹邱
半生未覺豪情減
一事能令道脉留
比似拙存老居士
藝林聲價共千秋

題小滄浪七友圖後

樽桑曉日開彤雲翱翔天路鷓鴣羣登瀛舊侶廿七載聚

星又到金閨門平政堂開民氣淳小滄浪畔尊罍陳時和

政暇合歌嘯惠風着物成陽春寓公朱卓師道尊蘭坡海帆鼓

吹六籍扶人倫賓僚往復文字飲雄談偉辨皆經綸坐中

吳侯寶龍首棟華盤胸五嶽高嶙峋垂天健翼偶一斂假歸

暫詠秋風蓴淮陰侍郎返使節齋詠星帆小住胥江濱苔岑

忽作萍水合投壺雅歌萃華紳我亦公餘預密宴退食無

異京華辰停觴忽憶滯留客南雅社集不得同榆枌定從官

閣夢吾輩松鱸何似蓬池鱗畫師不貌尋常人一一圖像

傳其真長松千尺倚空際磊落元氣撐乾坤琴言弈旨具
妙理素心青眼情尤親觀者休疑竹林七清談捉麈何足
論平生抱負各自重但有行藏無屈伸圖成不獨紀交際
他時故實誇吳民

焦山還帶歌

并記

明丹徒楊文襄公與焦山僧妙福爲方外友曾解玉帶
留山中同時方豪作詩紀之事載丹徒縣志 本朝宋
牧仲先生亦有題句見西陂類稿中道光己丑初春余
以勘視練湖事小駐京口公暇與趙雨樓郡守吳晴椒

縣令登焦山訪三詔洞手剔瘞鶴銘汲東冷泉飲之坐
松寥閣觀周漢二鼎及楊忠愍公墨蹟卷凡山中勝事
罔有遺者偶以此帶問寺僧茫然未有以應蓋其失之
久矣夫文襄事蹟炳著前史卽其晚辭政府山水徜徉
文采風流於今未沫其留帶之意亦何異於蘇文忠公
今金山玉帶天下皆知其寶貴而茲山之帶爲歲甫踰
三百乃典守者漫不加惜聽其若存若亡於不可知之
數豈文襄之勲名遂出文忠下耶抑一物之數亦有幸
不幸存其間耶嘗比而論之文忠愛士而文襄亦好薦

賢文忠知兵而文襄尤諳邊事文忠遭惇亶之排文襄
遭璉韜之忌文忠浮沈中外而末節多窮文襄揚歷道
顯而晚途亦躓稽其出處大畧相同且正嘉之間論文
襄詩文者每與李西涯並稱如元祐之有坡谷則夫壇
坵之雄亦復後先相望乃以一帶之遺獨不得與金山
並垂不朽詎非茲山之憾歟旣頻語晴椒使物色之踰
月乃復於予曰此帶實歸都天廟僧不知何年鬻爲香
供今且有主之者余謂廟不必以帶重而帶宜還山則
衆口如一因別施金爲廟中香火而屬晴椒與紳士謀

贖帶又踰月遂以帶來得傳觀焉按史志宋制三品以上服玉帶明制惟一品用玉憶觀文忠之帶爲玉二十皆素此帶則方團大小玉數亦同而鐫鹿百計間以樹石考唐韋端符記觀李衛公遺帶爲玉十有三方者七挫隅者六顧史志均不詳玉數而方密之通雅言明時革帶有三台鞞諸名後七枚前大小十三枚合其數正二十明志又曰或花或素則茲帶之爲明制亦信而有徵矣昔崔子忠有金山留帶圖因倩程序伯仿作焦山還帶圖復徵同人歌詠裝成長卷並付詩僧借菴守

之不但爲山中增一故實庶幾游茲山者卽一物之傳
而想見文襄之爲人其於尙友懷賢亦不爲無助云爾
旣記其事載爲之歌曰

金山玉帶傳自玉局翁焦山玉帶來何從遂播先生里居
日偶以解脫皈禪宗先生立朝有本末姚江勲業先後偕
隆隆經綸四海卷而退佚事足繼晉山蹤何年龍象失呵
護笑等五蘊成真空吸江亭前一俯仰了元不作孰與叅
機鋒頗聞京江閩俗僣廟會故家瓌寶鏡向神筵充神豈
憑此若牖我竟歸趙璧還楚弓甘棠在人亦在笏懷賢弔

古方忡忡待隱園荒茂社宅亦廢帶乎幸不隨飄風海雲

堂深日正果水晶菴古花猶濃長瓢短屐那稱此想見出

入將相腰腹圍春容儕之無專甲戌鼎元衣珣戈縞鞞交

熊熊周鼎釋文有元衣束帶珣戈縞鞞諸字潔身不煩文水錄浩氣直並椒

山崇謂楊忠愍公墨蹟卷方豪詩情雖似契舟劍藉存故實非無功

緹巾朱匱未改製一條光徹蛟龍宮奇哉作畫句成識他

時桃花流水真重逢留向他時作畫看又洞口桃花路已迷及流水桃花事或同皆先生游焦

山句也新圖須摹崔道尹故物堪誇李衛公中天白雲自舒

卷回瀾大海無西東空諸所有乃實有勝緣不負忙中筇

四大威儀果總攝文襄何必非文忠山環水合卽帶影紫
金浮玉萬古雙龍嵒

聞座主玉研農師暨朱詠齋吳退旃李芝齡三同年

同日被命爲己丑會試總裁詩以紀盛

天門詖蕩開九重紫微辰極尊紫宮文昌司命斗杓直元
精煜爚懸圓穹吾師碩學羣仰鏡如山拱岱川朝東連茹
彙征貢天府盈庭秀幹成喬樅今年禮闈公再主上相
恩遇均優隆

正總裁爲
歙縣太傅

聚奎堂前五星聚門生銜

命三人從一家衣鉢親付授千載異數希遭逢敬惟

先皇壬戌歲將羽得路齊飛翽

帝曰欽哉此萬選

天章倬漢昭鴻濛

睿皇帝御製御殿臚傳詩有萬選都出一念欽句

九十四人入

清秘翰林嘉話前所空

是科館選至九十四人

果看漸遠

起接翼各有建樹殊凡庸出領方州入卿列豈獨聲價高

瀛蓬頻年

臨軒詔策士惟公所拔

眷益崇求材鄧林屬大匠一一簡畀由

宸衷

丁卯直省典試得五人戊辰四人丙戌學差四人戊子三人皆大省

人倫藻鑑匪易副

器識早決詞章中朗懸一燈續燦爛小乘那可聲聞蒙遊

思南宮好風月萬卷束筭堆橫縱精心老眼互淬厲盡收

參朮遺芥通同堂師弟話疇昔沆瀣一氣歸春風元聲韶

瘦墨賡奏鈞天廣樂酣笙鐘我亦蹊間雜桃李都堂宴記

櫻筵紅江左人文天下最屹如壺嶠森三峯

王戊梅一甲三人皆籍江

蘇二十七年彈指過春明聚散多匆匆好風吹來萍水合

一時勝會誇吳儂

近年同譜多聚於吳門人數之盛幾與春明相埒

同年同方雙

秉節

謂雲汀中丞鏡汀學使

愛民禮士據公忠承流黍附盍簪後共

守師訓敦實恭忽聞盛事豔人口快比鏡兆重開蓉漪從

開國四已丑藝林故實資談叢

歷科會試總裁率以四人爲常惟雍正乾隆兩已丑

皆二人而康熙已丑則閣臣七人同典試與本科五人皆前後所僅見也

後先脚迹迭輝映舊

價彌貴新陰濃撫言鋪張邠有此名榜豈與尋常同甘盤
名德自不朽薪傳何但工雕蟲區區陸莊見尙福要攀山
斗齊寵從以人事

君師所教報師報

國須儒宗側身北望感知遇載颺喜

起酬時雍

題長州吳文定公詩稿冊後

詩凡八十六首皆小楷書後無名款冊首有文衡山待

詔王祿之吏部題字冊尾有王元美題詩欵署題寄江陵張先輩此公禮部廷試皆第一勉之云云後有文休承王百穀錢牧齋各跋歷藏王雅宜處士黃勉之孝廉孫退谷侍郎處最後爲宛平查儉堂撫部所得撫部有詩今歸余亦繼作一首

匏翁集卷七十七邇日吳中行本稀偶書繭紙出塵劫八十六首皆珠璣學宗坡老字亦近細楷整暇如其詩中藏鋒稜外取勢但有端潤無癡肥玉延亭邊想歌嘯大雲舒卷神曠夷往來各輩備叅攷交無雜流真庶幾弇州山人

立朝日不阿權要風骨竒江陵二子覲高第題詩致勉心

何居

王元美詩作於文定沒後元美與張太岳爲嘉靖丁未進士同年唐人稱應試舉子爲先輩或寄此以贈

嗣修懋修兄弟也

後來叢叟益誕謾承平慨慕生歎歛老居臺閣

豈不達以匏自寓言支離

列朝詩集小

鉅人長德世所式

學究何損卮言詆

藝苑卮言謂匏菴詩如學究出身雖復開雅不脫酸習

規撫前人

中有得精鑿還推王濟之

王文恪謂匏菴書雖規模肴山而中多自得

葑門賜

莊作民舍賢祠新築靈堪依

前歲建吳中名賢祠曾摹公像於石

吏部東廂

舊卷帙昔猶流傳今則微我來公鄉得公冊有人先我裝

重緝

用查儉堂詩中語意

判事操觚不偏廢公其許我希前徽

退菴詩存

卷十五

三

退菴詩存卷十六

福州梁章鉅菴林

穹窿山

吳中最高山

郡志云穹窿山於吳山爲最高

挺立西南陲相傳赤松子於

此餐石脂穹窿復紆曲銅闕雙蔽虧茅君禮斗處泉石皆

離竒仙人自蟬蛻仙山無老衰馨香達天庭靈秀洩地維

福臻古名利真堪福羣黎清晨事遙參潔齊先有所出門

卽訪古徒增羽流疑藏書杳無跡辟穀今何師

山有朱買臣藏書處

又有國師巖相傳張良從赤松子游處

不如但西望天水無垠涯七十二遙

退菴詩存卷十六

峯蒼然上須舂

餞春日徧歷吳中諸山雜紀以詩

善人橋畔好躋攀舍却扁舟便入山松韻泉聲齊肅客始

知仙路在人間

初由善人橋取路入穹窿山

倚天同嶺敞厓巖

吳地記穹窿東西兩嶺相趨名曰同嶺

福地生成洞壑竒

忽聽雲中音誦好此間合有寇謙之

王室金庭轉翠微瓊漿何止懋朝饑洞天莫更深深入仙

霧如珠恐濕衣

上真觀雄麗深遠甲於吳中

靈巖亭館出煙霞占盡中吳景物嘉聞說主人不曾到邱

山華屋可勝嗟

靈巖山館爲畢秋帆先生購築
糜數萬金而先生並未一到也

霸國雄麗控郊坰漫說靈芝石有靈

靈巖石多奇巧以步
靈芝石爲最故名

屨廊空娃館廢照人剩得採香涇

看山妙可看湖兼恰向山門展畫幃三萬六千全入眼爛

銀盤裡幾螺尖

山之絕頂爲琴
臺下瞰全湖

崧嶽鍾靈果不侔朝天萬笏蔚崇邱當年齋粥何人識早

與蒼生共樂憂

天平山後羣石林立名萬笏
朝天范文正公祖墓在焉

天平靈液透天關石乳分明石骨間不藉竹爐兼畫卷自

然壓倒九龍山

山半有白雲泉
爲吳中第一泉

退菴詩存卷十六

二

雲端臺閣尚崢嶸避世何緣不避名我到先尋千尺雪果

然終古在山清

寒山別墅爲趙凡夫遺址千尺雪在其左

支硎卽是古臨硎調馬坡連放鶴亭但遇寒泉須濯手不

須石室果棲形

支遁詩石室可蔽身寒泉濯溫手

覺世如吹大法螺化成空谷轉盤陀幽棲秀絕塵區表惜

我勞人草草過

山中有盤陀空谷化成法螺爲最勝

晚出精藍最靜深三峯徑轉定山陰何當此地作桑宿一

證吾儒胞與心

新築吾與菴在支硎山麓最爲整潔爲名流所稱賞

吾與菴僧心誠以詩冊索題用桂船尙書韻

熟開佛地好真使俗情移墨寶僧能守詩緣我獨遲無生
參茗話有約及花期勝踐兼禪悅齊忘兩鬢絲

春樊以其鄉先輩彭尺木潘榕舉王惕甫三先生字

卷見貽賦謝

應官溷塵俗砭俗娛藻翰聊作情性養非資耳目玩舍人
古通隱潛居設經幔稱詩薄雕鏤講學戒離叛朝枉瑤軸
貽珍逾錦繡段舊德荃佩紉古芬薇露盥往聞彭居士禪
處謝羈絆乃寫勸學文義可懸壁頰心正筆自隨字體極
廉悍儼然古冠裳後生藉礪礪鐵夫著作才賦性實侃侃

兩篇述古詩兵法代籌算臣叔昔同游論文意嚴憚斯人
竟窮老卓犖想崖岸吁嗟丈人行零落邈過半前歲來吳
趨賓僚歌燕衍獨有三松翁蒼姿挺霜幹異數賚

朝廷高名式閭閻九十能細書神力運全腕斜行見淡墨
香光法迥貫三花神岳開幽秀闕靈觀一笑移山來置之
几席畔盛夏苦溽暑簿書況凌亂涼風颯然吹煩襟一蕭
散鶴抱君彌冲鴻儀我敢讚愧乏瓊玖報長吟作公案

胡墨莊觀察以詩寄贈並題拙集用原韻答寄

芳訊傳來抵折麻聆音何意得麤牙舊游白社頻傾酒小

隱黃山自種茶解組君真比張翰著書吾早愧祁嘉猷
細響堪成笑漫翻騷壇作一家

宣武坊南聽玉珂共看高樹隱明河揮毫能寫古懽盛君作

宣南詩社記曾書扇見貽移節頻煩來募歌君由諫垣外擢延建邵道量移臺灣海外早

聞鯨鱗徙澤中時念雁鴻多好官我爲維桑幸底事抽身

戀綠蘿

珍重交情數寄詩紛綸經說許同窺後先鄭氏一堂晤大

小毛公千載期君以新著毛詩儀禮各注寄示門外黃塵飛廣陌室中翠

石列仇池更煩錦字題雙瓦君以詩題余所藏漢雙瓦研冊不厭臨風百

徧披

敢說英雄所見同

曩在京師詩社同作闕瑯琊王德政碑歌君與余同時出稿乃至結體選韻命

意遣辭皆不約而同如出一手同人常以爲笑也

十年詩夢共瀛蓬
旗飛動成

堅壁盤敦追隨拜下風
官閣懷人花正發
客郵馳簡雪初融
遙知卅六峯前路日對煙雲煖翠豐

張雲裳女史

襄

鄧尉探梅畫卷

銅井銅院萬樹花香南雪北太清
家十年空有春山夢
輸與仙人萼綠華

隨身硯匣是琉璃
黃絹先成絕妙辭

卷中自題詩特佳

乞與冰甌

重浣筆滄浪亭子要新詩

時以重修滄浪亭畫冊乞題

成蘭生太守

世瑄

西湖照影畫卷

西湖之水清見底太守之清如此水臨湖照影卽寫真花
迎繡幃湖山春一城歌舞頌太守太守真爲民父母前有
李侯後白蘇亟講水利開西湖西湖壽國幾年積淤者疏
之塞者闢太守不作西湖遊安得潛防妥宣洩南峯北峯
窈窕雲裡湖外湖波粼粼方知五馬班春客不是觀河陂
面人

張春水明經

澹

北山紀遊畫卷

看春最好是西冷濃淡煙嵐入鏡屏一笠亂山深處去絮
雲鋪白竹拖青

萬木森梢綠到天舊遊長憶北山邊輸君畫本兼詩本載
上茅家埠口船

徐安槎明經濟寫竹易粟詩冊

霜縑日費不論錢貸粟人歸歲暮天中有監門心事在北
風村巷看炊煙

竹米療饑事或虛琅玕飼鳳定何如知君經濟閉中得合
補齊民要術書

寄題陳石士閣學八賢賸墨卷

潁川學士文章伯退食西清耽著述回憶師資有八賢珍

襲繚函逾尺壁高陽相公忠孝家隔世淵源繫手澤孫文定公

箋經辨史義紛綸讀書從此多心得慙愧讀書心得少空知幾錦此收存學士

自題句也皖公之山鬱神秀海內篇家推第一姚姬傳先生同時作

者魯與秦魯山木秦小峴二先生說理精微辭約絮親承講貫重傳

衣展轉青藍此副墨頻羅老人擅八法寸縑未許兼金易

梁山舟先生蘇齋吾師精訂古翁覃溪師尺書無字無來歷共是元

亭載酒人赫蹏我亦盈箱笈別有千秋尙友心新城秀水

寶遺筆

以王文簡公及朱竹垞先生遺筆冠諸卷首

前芳往駕杳難追總擬同

堂作良觀太乙舟中風月佳

太乙舟爲學士齋名

招邀賓御傾醇醪

酒酣眼明一展對耿耿虹光貫齋壁玉堂森巖多寶書藉

此津梁導游陟先生升矣垂令名我輩何由勵學殖感君

寄我意良厚媿乏文章供治飾名山截業故山遙日守籍

書汗如滴

陸甫元舍人

沈

古懽圖卷

奚岡作畫許宗彥記

昔人思古懽發情止禮義茲圖所摹別有寓名流更訂金

石契二千年研材三千年款識斗室圓成杜德機寸緘攝

盡人間世瓊嬛館本我未見何況漚波繡水字陽朔都官
文若何願分拓紙作珍秘今人何必不如古鐵生之畫周
生記愧余跋尾詩力孱應笑狂花生客慧

齊梅麓太守

彥槐

梅花居士圖

圖爲唐子畏所作
圖中像酷肖梅麓

桃花菴主畫梅花絕似咸平處士家後七百年來此客好
詩吟到影橫斜

九英初日舊風神吏隱蓉湖又幾春笑說買田陽羨好依
然香雪供詩人

江石生邑侯

之紀

晚晴郵舍圖

退菴詩存

卷十六

七

殘霞頰如鯉魚尾
返照銜江映江水
此時負手看溪藤
思入煙蘿幾千里
訟堂清靜白日閒
卷簾雨洗西神山
三十六峯隔雲海
一笑自對青瑤鬢
秋稼如雲好秋穫
飽聽農歌長官樂
數行倦羽下江村
萬戶炊痕起林薄

徐石林孝廉

鏞

丙舍圖冊

負土栽松感慨多
料量魚菽且關河
白雲漠漠西溪道
萬本梅花夢翠蘿

邱壑無端置幼輿
崢嶸才筆幾人如
他年誓墓文成日
更好流傳丙舍書

王竹嶼觀察

鳳生

黃河歸權畫卷

九曲黃流疾於箭千里歸帆淨如練三載頻煩菱竹勞一朝却趁風濤便憶我從公淮水南值君應梓方停驂曠官亟欲避賢路我懷刺促惟君諳一麾兩地望顏色君亦擁旄大河北相憐都是過來人撒手懸厓君獨克豈有盛時甘隱淪西門東里佇殊勲請看容與中流客仍是蒼生屬望身

秦良玉畫像

錦袍玉貌天人樣論兵慷慨平臺上萬里長纓動至尊一

退菴詩存

卷十六

軍堅壁如名將驅賊入蜀疇所爲兩川屠陷黃來兒歸巫
門戶守不得臣力那足支全夔君不見枿檀像製陳洪範
金珠賄入熊文燦督師頭骨值三錢撫軍弱兵沒二萬當
時帥鎮皆如此賊顧而嘻血千里金印齋來不受降獨有
忠州一女子奇哉女子稱將軍別隊花蠻勇絕倫邦屏死
矣民屏繼十三隘口空雲屯我昔燕京問陳迹四川營裡
春蕪碧白桿矛橫鉤猪銛綺筵袖截刀痕窄流連畫像界
沱西獨立桃花馬上姿躡雲驟雪何能並合配高涼錦繖

楊子堅茂才

鑄

以載酒圖冊索題卽用冊中韻

甫里祠堂稱寄客藥菴太守是仙才十年風雨山塘路太
息南飛鶴不來

書姚春木茂才

楮

詩集後

風騷義寔遠作者如積塵誰能注銀潢一洗詩壘新江東
得吾子特起蒼頭軍吐棄凡近語天葩散竒芬旨由經史
博氣與江山分直從坡谷來健筆攀嶙峋遺山及淵頴庶
幾稱德隣學道薄珪組灑然泖湖濱耆舊邇衰謝文獻徵
斯人

耦庚以湯文正公扇頭墨蹟索題

三吳盛名宦首數睢州湯坊俗毀淫祠救民減浮糧大賢
剩遺墨楮素流清香字作顏平原詩寫陶柴桑想見心筆
正充然德符光尺幅彌足重景行安可忘

聖人御極初

詔祀兩廡旁自漢儒林來實政誰頡頏莅官最後軌撫迹
懷前芳古懽亮有契江雲近相望知君誘我進仁風庶同
揚

送陶宮保中丞述職入都

今皇御寓之九載江南百寶占豐登巡方大府請展

覲

詔許述職趨 王程惟公經綸比韓范頻聞

天語褒賢能五年持節駐吳會智名勇功初不矜始籌海
運佐河運連檣稞稻輸 神京海若効順颶母息艱難宏
濟憑丹誠繼請水衡修水利周回澤國隄防成我時承乏
備藩牧親授指畫驅前旌吳淞之漕漑數郡沃壤千里興
農耕今年成效已可覩夏雨稀少秋收盈大才槃槃百度
舉羣流仰鏡無遁形悅懽所及美利溥調和元氣歸鈞衡

我本治南一下士舊陪獻賦依承明來旬茲土復侍教勤

民體國欽忠貞偶陪賓僚雜談讌小滄浪水堪濯纓看山

尋寺不妨政畫圖厯厯追蓬瀛

公近作滄浪五老圖復作小滄浪七友圖則章鉅亦

與送公朝

天駕四牡霜月初吉霜途清沐膏詠勤浹南紀攀轅競獻

謳歛鳴遙知雲霄合魚水

帝庸作歌皋載賡東南財賦社稷計江湖河海煩經營遠

猷一一列

辰告定稗治忽躋隆平輕才假節黍非據竊幸畫一留儀

型明舫先盼六纛返陽春計日東郊迎更祝連圻不稜鏡
大江左右通郊垌公才公望實名世許我親炙資礪硯
摹

主聖臣賢頌譜入中和樂職聲

練湖雜詩

雲陽古名州厥利湖瀦盈開家始莫攷曲阿後乃名典午
肇疏鑿太邱寶憑陵長山遠破碎辰溪近迴滌淵注成奧
區膏腴浹萌生漕行亦攸賴東吳來稻秔築堤事漸紛關
流法必爭應運劉晏與韋損利源復濇清坐令鄭白沃千

載資澄法徒誇藻舟娛

用顏延之侍游曲阿後湖詩意

勝致何重輕

練塘卽練湖上下分何年原隰徒便私滄海成桑田上湖

稻如雲斗門成棄捐下湖存亦僅砥柱須各賢細民但見

曉豪姓多垂涎病農旣罔恤病漕尤漠然夾岡勢建瓴挹

注嗟涓涓馬陵夏漲急沉蓄孰任愆旨哉謝萬語

謝萬經曲阿後

湖曰故當淵注停著見世說新語

偉哉李華篇

唐李華有練湖頌

復始知良難庶

幾掇其偏

客冬始相度寒威刮人面衝泥踏溝塍冒雪認水線今夏

來鳩工身與酷暑戰兼旬坐蓬窻力爲罄鼓勸內牖導使

濱外牖東其洵不緣石礫戢焉得波激濫橫波唱無渡觀
河色易變丹青多流言黔皙能無眩吹毛到鄰封努目逮
僧販幾成道室築虛擲水衡羨幸資斷金同直挽強弓寸
樓太守與余同心合力始不至半途而廢修廢非創舉任
勞肯避怨

今年苦冬旱運渠涸不波西風刷地來潮頭亦回渦連檣
塞空至坐守金焦阿我行適假節督罷如理疴飛符忽東
去吏卒方驚叱西流彈指來信宿終盈科雙牖互宣蓄寸
減尺則多湖水洩一寸河水增一尺練湖古諺也古人不我欺萬口齊歡歌

篙聲急雨集帆影排雲過濟漕果有憑聊堪謝譙訶千年
利源復善後休蹉跎慎勿愛惜費吾言非煩苛

陳芝楹觀察傳研圖

九錫封侯舊著聞

唐薛稷爲研加九錫封
離墨侯見鳳翔退耕錄

一家三世紹清

芬葩喬述祖珍先澤桑翰成名策異勲解豸有威緣識字

蟾蜍無語可論文賢良欲比蘇門研

蘇東坡賴濱廷試日
各攜一研外孫文驥

得其一過藏其一
名賢良研見研箋

彩筆光華上燭雲

雙瓦珍儲自昔年先疇舊德亦忼然

余舊藏漢瓦當雙研
爲紀文達師所貽師

曾語余曰三世
師友視此物也

師承笑我心鈍家學欣君治譜傳畫戟

凝香今雨聚油幢行部使星聯硯山佳話元章續看寫焦

巖玉帶篇

時方與君同于役京口
榻君題焦山還帶圖

坐焦山松寥閣督催漕艘同陳芝楷宋湘帆

其沅兩

觀察趙雨樓太守蔡柳堂

維新

邑侯作

忙人到此亦須閒

香山句

照影煙波客尙頑信是江南游宦

好一年兩度上焦山

詩懷迸入榜人歌檻外雲帆歷歷過也算看山了公事中

流那得學頭陀

還山玉帶有前因轉語能成四大真怪道老僧偏識我重

來本是畫中人

是日以焦山還帶畫卷付詩僧借菴守之

來共名山證墨禪

觀楊忠愍公墓蹟各題名卷後

五君會合亦奇緣斜陽

影裡促歸渡怕有移文焦孝然

題吳門七孝子圖

七孝子者黃向堅莊覺王五癡周癩周尙文汪允昌顧廷琦皆吳人也繪像者張嶠亦以孝聞徐樹丕題爲永錫圖冊後書傳及題跋自黃孔昭陸世廉世儀褚篆楊无咎下共三十五人

人倫之原曰忠與孝孝惟庸行而實難蹈猗歟諸賢潛光

永耀抱約守貞欽斯圖貌

黃旣萬里顧亦三年親存與歸親沒負阡存沒異軌泣涕
屯遭精誠所到乃以格天

有備者莊能竭其力負土厚終廬於墓側狐噪鬼嘯霜晨
雨夕彼傭乎哉士流愧色

吏不可爲去而賣字守躬事親先意承志嘗藥痛深褻衣
神瘁罔極酬恩允稱錫類

二周畸行不娶終身野菴飯佛里社祈神豈伊異尙惟知
奉親時艱遇塞比蹤逸民

封肉進糜未聞以乳五癡非癡母病斯愈其事過中其心
則苦鑄銅范像教扶西土

凡茲懿美在幽必彰誰其貌之吳趨之張張有孝行異林
同芳敬告人子愛日勿忘

吳水清漣吳山崑崙百年事往余來采風式瞻賢里遐思
令蹤載告人子式敬爾躬

程竹盦光祿

邦憲

蓮社問因小照

前因後因雲起滅世法我法波空明芬陀利身本無垢根
枝華有三香生攢魯避社何意旨君不佞佛通佛理掃除

一切葛藤綠雲在青天波在水春風簪筆三十年歸來未
有城南田此心湛寂無繫着莫向遠公重問禪

張柳泉太守

允垂

出示其先世查山先生警芝圖

靈芝出爲瑞於古歷有徵致此必有道匪惟協氣蒸崑麓
鍾秀淑藤寮做雲扃禎祥再三告煌煌如日升珍藏復培
護僉卜家術興先生獨歛然先疇感高曾以警不以賀名
論成典型誰知象數滋玉樹先盈庭大雲滂中州棠陰徧
西泠孫枝且挺茁文棟羣峻嶒此芝已不朽此圖尙祇承
峯泖同千秋懷哉仰德馨

爲揚州湯副戎

贈汾

題斷釵詩冊其節母楊太淑人

遺蹟也

海上兵戈罷悲深十八年國殤惟子在母節以詩傳夢斷
釵飛後魂驚鏡破前磨笄心事苦回首益漣然

將軍盛文雅娛養記當時教比書殘荻情殊泣斷著却逢
開閭日重續倚閭詩忠孝家門事珍茲幼婦辭

華亭馮少魯茂才古鐵齋畫冊

君不作鐵遼叟江上龍吟落星斗亦不爲鐵研生理頭場
屋爭科名秋憇風雨校篆刻藜火搖青土花碧雞彝蠅勺

左右陳四千餘年在茵席歐陽集古趙金石好事如今少
君匹證經佐史此其券餘技還看筆如鐵六書之學舛謬
多吳浙兩派皆沿訛孰從養石山農上獨摹鐘鼎叅隸蝌
壯夫雕蟲那足恥浚長書中得精理酒香茶熱心復閒時
一爲之指非指北平學士不見此長洲典簿今已矣蕤賓
自躍知者誰目極吳淞半江水

題鄧簞山太守

夢琴

崇祀鄉賢錄後

景賢式俎豆表俗懷冠裳峩峩漢中守治如古循良所辨
首義利清慎嚴自防仕宦不求進歸隱型其鄉仍蓄經世

志利弊籌維桑人倫廣藻鑒後學承津梁生無近名心沒

世歌弗忘官祠愛既留社祭報亦當往余直儀曹親爲

封章

先生名宦鄉賢兩次疏稿皆余在儀制司時所核定

令子復善繼蔚然民所望

時長嗣傳安已擢登灣守昔同蘇齋游三命聞循墻海國正清晏我還

頌龔黃

謝向亭學士

階樹

遺照

隆期貢珪璧亨衢合簪紳文章豈小技資之布經綸吾友

顧學士

南雅

許君

天廟珍遺籍登蘭臺履素仍食貧外事

了不與讀書昏達晨采風涉衡湘俎豆歌莘莘傾風徧巾

卷翁然文教振

天子御極初萬言拜

丹宸平生飢溺懷慷慨願具陳嗟君濶襟抱有志恆未伸
賈生王佐才鵬鳥棲承塵夙昔文字契燈火京華春今茲
辨顏色歲月驚飈輪孤兒喜英特令嗣伯潛出此索題稽古能潤身
努力紹先疇庶慰泉下人

書重摹庚午雅集圖後

圖作於嘉慶庚午時方與里中諸君子日尋文酒之歡

白郭蓮渚

仁圖

比部龔楞香

以鏗

吏部馮節樓

元鎮

別

退菴詩存卷十六

七

駕林蓼懷

軒開

研樵

慶章

二進士馮恪甫

光祚

魏香士

齡

何石農

恒鎧

三孝廉高甫申

立誠

葉文石

申蔚

及余

弟桂巖

雲鑲

三明經葉小庚

申蕪

庶常與余凡十三人

合貌爲圖余以文紀之裝成長卷舊藏小庚處其明年
小庚宦滇不得見此圖者且二十年今冬小庚由京旋
里道出吳門急索卷展觀則歷歷如昨日事因重摹一
本而以原物歸小庚俾兩家各珍護之新圖就遂紀以
詩並徵名流題詠以張其事云

落月停雲幾度經壺觴猶記舊林亭傳神各有十分肖泥

飲曾無三日醒
良會難追驚掣電
歡場易散感晨星
長生不老知何似
留取圖中眼共青

有客新從萬里回
畫圖生面許重開
鳧鷖舊夢縈漁艇
鸞鳳清吟憶嘯臺
雲水升沈何足計
山邱零落已堪哀

已亡其九而余與研樵小庚方馳驅未
息其安享林泉之樂者蓮渚一人而已
人中

莫作西園別本猜